

Ublažavanje viznog režima za građane Bosne i Hercegovine

Lakše putovanje u EU postaje realnost za građane Bosne i Hercegovine – to je ono što znači sporazum o ublažavanju viznog režima između EU i Bosne i Hercegovine. Svrha ovog novog viznog režima je da se omogući izdavanje viza za **kratki boravak** osobama sa državljanstvom BiH. To može evropsku perspektivu Bosne i Hercegovine učiniti opipljivijom za njene građane. Ublažavanje viznog režima je prvi korak ka bezviznom režimu putovanja.

Sporazum o ublažavanju viznog režima ima prednosti za sve državljane Bosne i Hercegovine koji putuju u EU u vidu niske naknade za vize (35 eura umjesto općenito primjenjivane naknade od 60 eura) i bržeg rješavanja zahtjeva za vizu (maksimalno 10 dana kao osnovno pravilo). To ima također i prednosti za šire grupe kroz pojednostavljenje zahtjeva za dokumentima u svrhu putovanja te jasna pravila o tome kada se mogu izdati vize sa višestrukim ulaskom. Za određene kategorije ljudi, kao što su studenti i penzioneri vize će se izdavati besplatno.

Ova brošura pruža **osnovne informacije** zainteresiranim podnosiocima zahtjeva za izdavanje vize o pravilima i principima izdavanja viza za kratki boravak. Države članice EU će preduzeti korake kako bi osigurale da sva postojeća rješenja budu u skladu sa slovom i duhom sporazuma o ublažavanju viznog režima te trebaju sačiniti dodatnu detaljnu informaciju dostupnu na web stranicama svojih konzularnih službi. Dodatne informacije će također biti na raspolaganju na website-u Delegacije EC u Sarajevu kao i Vlade Bosne i Hercegovine.

1. Viza za kratki boravak

- *Da li namjeravate ostati u nekoj državi članici EU ili u nekoliko država članica EU ne više od 90 dana u periodu od 180 dana?*
- *Da li namjeravate biti u tranzitu kroz teritoriju jedne ili nekoliko država članica EU?*

U tom slučaju vam je potrebna **viza za kratki boravak**, koja znači ovlaštenje izdato od neke države članice EU za vaš boravak u ili tranzit kroz tu zemlju ili kroz nekoliko država članica.

Važna informacija

Nova pravila o ublažavanju viznog režima primjenjuju se na sve države članice EU, izuzev Ujedinjenog Kraljevstva, Irske i Danske. Bosna i Hercegovina namjerava zaključiti zasebne sporazume sa sličnim sadržajem kakav je Sporazum EZ sa tim zemljama kao i sa Norveškom i Islandom.
--

Gdje aplicirati?

- Aplicirati za vizu možete u konzularnim službama države članice EU tamo gdje namjeravate ostvariti kratki boravak.
- Za kratki boravak u više od jedne države članice EU, potrebno je da se obratite konzulatu **zemlje glavnog odredišta**.
- U slučaju da je teško utvrditi glavno odredište, treba da odete u konzulat zemlje **vašeg prvog ulaska u Schengensku zonu**.

Koji su minimalni zahtjevi da bi se podnio zahtjev za vizu?

Vi morate:

- Popuniti i potpisati formular sa zahtjevom.
- Podnijeti važeći pasoš čiji je datum isteka važenja nakon datuma kraja predloženog boravka.
- Navesti prijevozna sredstva koja namjeravate koristiti.
- Pokazati da imate dovoljno sredstava za izdržavanje za vaše putovanje i povratak.
- Pokazati da imate zdravstveno osiguranje koje važi za dato putovanje.
- **Opisati svrhu i okolnost i vaše posjete.**

Nova pravila o ublažavanju viznog režima odnose se na ovu posljednju tačku.

Primjeri dati u spisku koji slijedi sadrže određeni broj slučajeva za vašu orijentaciju. Molimo da imate na umu da je taj spisak dat samo kao smjernica te da nije zamišljen kao iscrpan spisak. Ako spadate u jednu od dolje navedenih kategorija, samo se dolje navedeni dokument(i) mogu zahtijevati kao opravdanje svrhe vašeg putovanja; nijedno drugo opravdanje, poziv ili ovjera se ne traže. Međutim, svi drugi zahtjevi potrebni radi dobijanja vize, poput podnošenja dokumenata o sredstvima za vaše izdržavanje, ostaju nepromijenjeni u novom sporazumu, te se trebaju provjeriti sa konzulatom kojem se namjeravate obratiti sa zahtjevom za izdavanje vize.

Svrha vašeg kratkog boravka u državi članici EU	Ako ste...?	... tad morate opravdati svrhu svoga putovanja podnoseći:
<u>Profesionalna:</u>	... poslovni čovjek...	...pisani zahtjev domaćina pravnog lica, ili kompanije, ili javnog organa potvrđen od Vanjskotrgovinske komore vaše zemlje.
	... učestvujete na međunarodnim sajmovima, konferencijama, simpozijima, seminarima	...pisani zahtjev od organizacije domaćina.
 učenik , student ili nastavnik u pratnjipisani zahtjev ili uvjerenje o upisu izdano od strane sveučilišta, koledža ili škole koji su domaćini
 učestvujete u naučnim, kulturnim, umjetničkim, ili sportskim događajimapisani zahtjev od organizacije domaćina.
<u>Privatna:</u>	... blizak srodnik – bračni drug, dijete,	...pisani zahtjev od bliskog srodnika koga namjeravate posjetiti

	ili roditelj - nekog državljanina vaše zemlje koji legalno boravi u nekoj državi članici EU	
	...osoba koja namjerava posjetiti neku državu članicu EU iz medicinskih razloga ili osoba koja je toj osobi neophodna kao pratnja	... <u>službeni dokument</u> medicinske ustanove i <u>dokaz o dovoljnim finansijskim sredstvima</u> da platite medicinski tretman.
	... putovanje radi turizma...	... potvrdu ili vaučer putničke agencije ili tour-operatora.
	...prisustvujete sahrani...	... <u>službeni dokument</u> kojim se potvrđuje činjenica o smrti, kao i potvrda o porodičnom ili drugom srodstvu.

Važna informacija

Molimo da imate na umu da se zakoni EU ili zakoni države i dalje primjenjuju na sva pitanja koja nisu obuhvaćena sporazumima o ublažavanju viznog režima, kao što su: odbijanje izdavanja vize, priznavanje putnih dokumenata, opći zahtjevi da se lično pojavite ako podnosite zahtjev a izdavanje vize, mogućnost u slučaju sumnje da se podnosioci zahtjeva pozovu lično na intervju u pojedinačnim slučajevima, odbijanje ulaska i mjere progona ali također i postojeći fleksibilni uslovi za *bona fide* putnike.

2. Viza za kratki boravak sa više ulazaka

Viza za kratki boravak sa više ulazaka u EU izdat će vam se, u važenju do jedne godine, ako ste

- tokom prethodne godine dobili barem jednu vizu,
- koristili tu vizu u skladu sa zakonima o ulasku i boravku države članice EU koju ste posjetili,
- redovni putnik u države članice EU te ako ste:
 - **poslovni čovjek**
 - član profesija koje učestvuju na **međunarodnim sajmovima, konferencijama, simpozijima, seminarima ili drugim sličnim događajima**
 - osoba koja treba redovno ići u posjete iz **medicinskih razloga** ili osoba koja je toj osobi neophodna kao pratnja
 - osoba koja redovno učestvuje u **naučnim, kulturnim, umjetničkim, ili sportskim aktivnostima**
 - **student** koji redovno putuje u svrhu studiranja ili obuke u svrhu obrazovanja;

Viza za kratki boravak sa više ulazaka u EU će vam se izdati, sa važenjem od minimum 2 godine i maksimum 5 godina, **ako**

- spadate u jednu od kategorija gore navedenih osoba,
- ste tokom prethodne dvije godine koristili jednogodišnju vizu sa više ulazaka u skladu sa zakonima o ulasku i boravku u državi članici EU koju ste posjetili, i
- još uvijek važe razlozi za podnošenje zahtjeva za vizu sa više ulazaka.

3. Koliko treba da platite zahtjev za vizom za kratki boravak?

Naknada za obradu vašeg zahtjeva za vizu iznosi **35 eura**. Ova naknada se odnosi i na vize za jedan i na vize za više ulazaka.

Sljedeće kategorije osoba koristit će besplatnu vizu:

- **Bliski srodnici,**
- Osobe koje su dostavile dokumente koji dokazuju potrebu za putovanjem na **humanitarnoj osnovi**, uključujući **hitni medicinski tretman** i osobe u pratnji takvih osoba, ili osobe koje prisustvuju sahrani bliskog rođaka ili idu u posjetu ozbiljno bolesnom rođaku,
- **Penzioneri,**
- **Djeca ispod 6 godina starosti,**
- **Osobe sa onesposobljenjem** i osobe koje ih prate, ako je to potrebno,
- **Učenici, studenti i nastavnici u njihovoj pratnji** koji preduzimaju putovanja u svrhu studiranja ili obuke u svrhu obrazovanja, uključujući i one koji putuju u okviru programa razmjene kao i ostalih aktivnosti vezanih za školu,
- Osobe koje učestvuju u **naučnim, kulturnim, umjetničkim, ili sportskim aktivnostima**, uključujući programe univerzitetske razmjene i druge vidove razmjene.

4. Koliko će trajati procedura obrade vašeg zahtjeva za vizu?

Diplomatska misija i konzularna predstavništva država članica EU će donijeti odluku o zahtjevu za izdavanje vize u roku od **10 kalendarskih dana** od datuma prijema zahtjeva i potrebnih dokumenata.

Ovaj vremenski period može se smanjiti na 3 radna dana ili manje u **hitnim slučajevima**. To može biti produženo na do 30 kalendarskih dana u pojedinačnim slučajevima, posebno kada je potrebna daljnja kontrola zahtjeva.